

十二年來之國民黨

一九二三年

全中國國民革命者聯合起來！

十二年

江苏工业学院图书馆
藏之書章

國民黨

贈閱

大本營宣傳委員會印行

中華民國十二年七月出版

翻印必究

……國民革命中之民國問題一冊……

……每冊收回印刷工銀四仙……

撰述者

譚平山
周其鑑

印行者

廣州市永漢北路
大本營宣傳委員會

印刷所

廣州市第七甫八十八號
共和印務有限公司

各大書坊均有代售

大本營宣傳委員會通訊部啓事

本會預定所出版各書每種贈閱壹萬冊餘皆托書店代售以廣宣傳除由本會分別贈閱外如在贈閱未完以前愛閱諸君請開列地址并欲取何書連同郵票（本省半分國內一分國外香港二分）寄到廣州永漢北路本會通訊部即行寄奉一冊多者類推如須掛號郵費照加謹此佈聞

十二年來之國民黨

辛亥革命之基礎

辛亥革命。發源于自強運動。自強運動。在革命前。已成一種普遍要求。中英、中法、中日等役經過後。華僑要求立憲及整頓海陸軍。而清室自身。亦以預備立憲名詞騙國人。國勢之振興。爲國民急切需要。惟當時自強運動中。相爭最烈者。厥爲『取排滿方式』或『取扶清方式』問題。民黨一卽孫先生所組織之革命同盟會。與改良派康黨之君主立憲。主張相反。直以『排滿』爲口號。蓋民黨所根據之根本條件。卽爲滿清已失其統治能力。已成空洞政府。而他方面排滿心理及空氣。在國民黨中非常普遍。非常濃厚。此種條件。爲民黨最後獲勝之條件。且亦辛亥革命之基礎也。

北洋軍閥之機會主義

革命之進行。雖然順利。但此次革命。非以民治爲基礎。而以民族獨

立爲基礎。民黨因當時之屢次犧牲。最壯烈者。如黃花崗之役。頗得民衆之同情。而北洋軍閥——卽袁世凱之新軍——之實力。仍甚堅固。民黨之實力。遠非所敵。民黨方面。排滿空氣。固極濃厚。而全國人民中民治空氣。仍甚薄弱。多注意於清室之推倒。而不注意於北洋軍閥之剷除。所以辛亥革命。尙未終局。而一般人民苟且和平與統一聲浪甚高。於是遂授政權於袁世凱。而有混合政府之組織。而同盟會亦於是時改組爲國民黨。國民黨對於北洋軍閥固欲取不妥協態度。但以此時革命之發展。尙未達到民治階段。乃不能不暫與機會主義之北洋軍閥混合。此爲我黨革命進程之一種錯誤。然亦當時客觀上要求。不得不如此也。

革命黨之分化與北洋軍閥之進攻

辛亥革命後。解除舊統治階級武裝之事。不能實現。此爲一種極大失策。然當時我黨及聯合戰線之各派。皆不甚注目于。所注目者。或爲促

進地方自治。或爲畫定行政區域。或爲保持全國統一。各派形成中央集權及地方分權之政治上爭鬥。各因綱領而分化。革命之勢力。因此而不能集中。而北洋軍閥。尙全身武裝。一段祺瑞長陸軍劉冠雄長海軍。北洋軍閥尙握全中國之武力統治權。清室之勢力雖倒。而其實清室當時之勢力。已落在北洋軍閥首領袁世凱之手。當時革命軍實力。實際非直接與清室鬥爭。祇與北洋軍閥鬥爭而已。及後兩者雖已妥協。而實在勢力。亦不能兩存也。袁世凱被選臨時總統後。一方面藉湖北浙江十六省都督之力。實施其中央集權政策。各省文武長官。皆由總統任命。對於國會又不肯尊重民意。二萬五千萬之大借款簽字後。乃迫國會追認。一方面又向我黨進攻。刺殺我黨閣員。卽爲北洋軍閥進攻之第一期。我黨卽相繼在江蘇安徽江西上海廣東等處。宣佈獨立。興兵討袁。斯時我黨之革命進程。已由民族獨立之階段。進至民治之階段矣。討袁之役。我黨勢力不足而失敗。北洋

軍閥勢力。由北方擴充至南方。我黨在江蘇、安徽、上海、江西、廣東之勢力。皆被北洋軍閥勢力所銷滅。我黨革命之根據地。先後屬於北洋軍閥之段祺瑞與馮國璋。我黨隨被解散。國會又被解散。此爲北洋軍閥勢力全盛之時期。

袁氏帝制及護國之役

在北洋軍閥勢力全盛時期中。反革命行動。猛烈進行。袁世凱藉勢以行帝制。漢人皇帝代滿人皇帝之退化思想。普遍全國。我黨爲擁護共和計。不得不不出而再與帝制戰。于是而有聯合反袁各派。以推翻洪憲。護國之役。退化思想卒不敵。袁世凱死。黎元洪繼任總統。我黨爲統一與和平起見。亦取消各省之獨立。

北洋軍閥再行專政

護法之役。我黨及他派之口號。均爲反對帝制。非剷除北洋軍閥。且

我黨實力仍極弱小。祇賴民衆之勢力以倒袁。故北洋軍閥實際上仍握統治之權。北洋軍閥亦知其處於被革命地位。遂有直隸、奉天、吉林、黑龍江、河南、江西、熱河、察哈爾八省聯盟之組織。以爲北洋軍閥團結之表示。袁世凱死。段祺瑞繼起。組織責任內閣。實行北洋軍閥專政。國會雖亦自行恢復。然我黨政治上鬥爭之能力。亦甚薄弱。

北洋軍閥進攻之第二期

段祺瑞欲藉外交而固其地位。以對德宣戰案。強迫國會通過。段因此案被免職後。卽假督軍團之力。解散國會。遂演出張勳復辟之役。逼走黎元洪。是時北洋派中。隱然分出兩派。一爲段祺瑞派。一爲馮國璋派。馮之勢力在長江一帶。黎元洪走後。段卽借討張勳之名義。恢復其地位。馮國璋以副總統資格繼任總統。馮派對南方雖主保守政策。而段之武力統一政策。仍堅持到底。是爲北洋軍閥向我黨進攻之第二期。段祺瑞借對德宣

戰爲名。與日本借款三千萬元。並將中日吉林長春間鐵路契約修改。又擅自修改國會選舉法召集新國會。我黨爲護法救國計。又不得不出而奮鬥。當由孫先生率領艦隊南來護法。西南各省。宣佈自主。北洋派中是時旣分馮段兩派。互相排擠。段之平南政策。亦因而失敗。而北洋派中之馮派。所統屬之江西江蘇湖北之長江三角同盟。反對段之參戰政策。段乃辭職。而仍主使北洋派中超然派王士珍組閣。以爲緩衝內閣。而馮派以勢力之弱。終不敵段派。故段仍以參戰督辦名義。把持政權。此不過爲北洋派中各派勢力之消長而已。其爲武力統治中國則一也。

北洋軍閥之武力政策

段退內閣後。仍一面以曹琨、張懷芝、張敬堯等南下湖南。南軍失利。張敬堯遂得督湘。段派借此恢復其勢力。奉直皖三派。皆歸其麾下。段旣恢復勢力。卽思貫徹其武力政策。乃向日本借款。不數日內三千萬元參

戰借款成立。二千萬元電信借款成立。二千萬元順濟鐵路借款成立。一千萬元吉會鐵路借款成立。四千萬元滿蒙四路及高徐順濟兩路借款成立。餘外尚有英美外債。此爲親日的段派軍閥全盛時期。

直皖勢力之消長

馮段排擠結果。段派卽組織安福部以爲自製國會之原料。借以推翻馮派勢力。徐世昌以北洋派老前輩及滑頭派。被選爲僞總統。段卽脫出內閣地位。而暗握大權。操縱其間。徐以無實力。錢內閣亦不能維持。段之替身龔心湛、靳雲鵬。相繼組閣。北洋派之勢力。仍歸段派。而我黨在南方之形勢。不幸爲妥協的國會所破壞。廣西陸榮廷及政學會狼狽爲奸。而持保守政策雲南唐繼堯亦不合作。乘機以爭取地盤。貴州亦遭內變。西南形勢。因而破壞。而南北和議乃起。南方政權。則歸政學會。

國民革命之開始

此時我黨勢力。雖幾降至零點。而北方之民衆勢力。忽起國民革命。開始工作。北大學生之打國賊風潮。正發榮滋長。直接予北洋軍閥以最大打擊。我黨辛亥革命後革命之發展。雖已到「人民政治」之階段。而民衆尙無人民政治之要求。故我黨討袁及護國之役。民衆尙未表濃厚同情。至此次北大學生風潮。繼以罷工罷市運動。國民革命方進行第一步。此種運動。純屬人民之政治運動。但在幼稚時代。人民眼光。不免短視。祇注目於北洋軍閥中段派之曹章。而不注目於段派之全部。故安福系之龔心湛。終得而組閣。而親日一派之段派人物。勢力鞏固如故。後曹段分家。北洋軍閥徐馮系外。分皖直兩系。而張作霖之奉系。與長江三督之馮系。亦附於直系。安福系(皖系)既樹勢力於湖南。更欲樹勢力於河南。而皖直之爭。卽於此埋下火線。直系反對河南督軍省長之更調。後由吳佩孚撤防湖南。而皖系之張敬堯。在湖南之勢力亦一。於是皖直衝突。已達極點。再加滑

頭徐世昌之挑撥。一方面下。曹錕之西北邊防使官職。一方面又罷免曹琨吳佩孚。曹段分家。至是乃實現。直系戰爭結果。北洋軍閥之勢力。遂由直系代皖系矣。

北洋軍閥繼起首領段祺瑞既倒。曹琨吳佩孚繼起爲首領。其唯一之直系吞併政策。卽施於長江三督。先則去一江蘇李純。而置以直系之齊燮元。繼則去湖北之王占元。而置以直系之蕭耀南。次則去江西之陳光遠。而置以直系之蔡成勳。一方面又去陝西之皖系陳樹藩。而置以直系之馮玉祥。一方面又摧殘湖南之革命份子。而置以滑頭之趙恒惕。宣佈自治。使爲南北之緩衝省。再又與川軍締結和約。以免西顧。但奉系方面。自皖系失敗後。感直系吞併政策之猛進。卽覺已系地位之孤立。乘直系方有事於湖南四川。帶兵入關。而直系之吳佩孚。亦開保定會議。締結魯、贛、鄂、湘、汴、直、六省同盟。以爲對抗。

我黨勢力之恢復

政學系之南方政府。既利用分贓之南北會議。爲降北機會。取消自主。我黨乃再出而以在閩之孤軍苦戰而逐岑莫返粵重組政府。以抵北洋派之勢力。

奉直戰爭與我黨發展之關係

奉直兩系之衝突。蓄勢既久。爆發自易。而我黨爲革命之進程起見。卽取聯奉政策。以擊北系中最強之直系。我黨之北伐軍。卽向江西進發。不幸我黨遽爾內變。地方主義之陳炯明。陰聯曹吳。猝行叛黨。其破壞革命進程。延長人民被壓迫之痛苦。其非祇叛黨。實乃叛民。

北洋軍閥之總攻擊

直勝奉敗。曹琨吳佩孚卽逐徐世昌而捧傀儡黎元洪登場。暗握政權。而一方面仍極力進行武力統一政策。此時直系卽分爲三派。一爲洛派。一

爲保派。一爲津派。洛系吳佩孚。先則欲吞併津派。一方面謀奪津派曹銳之兵權。一方面去河南之馮玉祥。而置以洛派之張福來。洛系既奄有河南、湖北、陝西、等省。對保系則用拉攏手段。延緩曹琨之最高問題。對內閣則與親美派聯絡。而把持交通財政兩部以自固。對西南則仗其武力攻川、攻滇、攻閩、攻粵。此是北洋軍閥對南方總攻擊之時期。我黨在粵。雖已推倒叛黨陳炯明。而政學系從中聯吳攻南。以沈鴻英供其利用。同時直系在北方驅逐黎元洪以擁曹琨爲總統。一方面奉皖政學等派。均欲利用時機。恢復勢力。

結論

我國自改號民國。至今十二年矣。然此十二年中。政局幾無一日和平。人民幾無一日安靜。其故不在於改爲民國。在於改其名不改其實而已。此亦爲我黨辛亥革命後連年奮鬥之基礎原因。我黨歷史使命。乃擁護民國。

○。○。辛亥革命。○。乃民國革命之第一部。○。非其全體也。○。○。○。辛亥革命之成功。○。不能
謂我黨歷史使命已盡。○。且辛亥革命時及革命前。○。我黨之犧牲最鉅。○。而其結
果實得一民國虛名。○。此我黨所以不得不屢仆屢起。○。始終不避艱難以圖民國
之實現而已。○。○。無他故也。○。○。



